

兩朝平攘錄

五



兩朝平據錄

卷一



兩朝平攘錄卷之五

會稽

諸葛元聲 輯
諸葛元調 校

播下

湖廣偏橋路功

湖廣惟偏橋一路。江外為四牌。江內為七牌。皆五司

遺種。九股惡苗。

江外近五司故多其遺種及生苗。居

都勻仲苗生齒日煩。故雜處湄潭之間。

盤據糾結乎其間。四牌不掃。即

武騎千群。未易窺三渡也。况又隔以長坎瑪瑙保子

青蛇四險固乎。此路兵本屬偏沅巡撫江鐸所調度。

而陳璘

廣東人

宿將老成。亦謀出萬全者。二月十二日。

奉期發哨。率標下守備陳九經。白元縈。廣兵把總吳應龍。朱萬乾。遊擊陳策。為事守備楊惟中等進兵。而又與副提兵陳良玘。分為兩翼。一由白泥璘主之。而遊擊江騰龍隸之。一由龍泉玘為主。聽璘節制。而叅將王一桂等隸之。璘議兵從楓香大塘。白泥草坪。大小烏江餘慶。至湄潭。取道抵橋。然偏橋出門。白泥便是賊境。播酋勾結九股諸苗。不先招諭。未免腹背受

敵。於是差人一面撫苗。十三日至白塘。播賊楊朝棟帶兵二萬。架浮橋過江。即晚可至白泥接鎗。璘即下令各兵挖山而前。十五日自老杜屯分兵三枝為左右翼。擬抄出烏江以躡賊後。行不十里。黃溪寨前哨遇賊交鋒。生擒賊王松等五名。斬級二顆。賊遁去。即傳令左右哨協力跟剿。申刻抵白泥。賊已棄巢潛遁。會天暮。菁深收兵。賊奔龍溪山。合四牌賊拒敵。我師行令鄉導招出勾刀堰。甘溪寨。官庄寨。磨落寨。新寨。苗桐寨。苗頭陳五等。又令人挖至陽橋山。招出被虜。

軍羅再奎等。及清河寨苗二關三關苗。石橋寨苗白
塘楓香等。屯軍餘苗民一千七百餘名。二月十七日。
軍門差官督陣進兵。二十七日申時。進至龍溪山。四
牌在望。哨報有伏。即令陳策等統兵銜枚疾趨。頃之
伏四起。迎敵我兵。火箭諸銃亂發。衆賊奔高據險。矢
石雨下。陳璘身先迎戰。有隊長謝漢月先退。即斬以
殉。軍皆股慄。吳應龍等奮勇冲鋒。賊遂大潰。斬八十
九級。賊退四牌保兒囤。次日早發土兵把總田種蘭
向日葵領兵前進行至近囤。賊伏起。將二兵包圍。三

重璘即發衝鋒銀一百兩。陣前縣賞。廣兵吳應龍等。直冲賊陣。內打外攻。賊馬為銳炮傷跌。各兵向前斬殺數賊。遂奔據固頂。入夜從山後遁去。黎明追及於袁家渡河邊。賊窮蹙。轉槍接戰。我兵向前冲殺。賊敵不過。從浮橋上逃去。或泅水而遁。即欲斷橋。纜以阻我兵。當日擒斬一百二十二名。而四牌之賊盡掃矣。軍門初議平越路會哨。白泥共剿四牌。而李帥不會乃遣編將劉效節來劉聞賊衆但割近處不進。後見賊已危急。方出會哨。是日非陳璘力戰。我兵幾不能渡江矣。三月初一日。軍門以獨破四牌惡苗首功。賞銀三百兩。十五日傳令各兵。

取辦竹木。密遣死連夜搭造浮橋。蓋沿江兩崖陡絕。惟崖門之下。一線差平。隨剡木為舟。引繩橫貫江面。造浮橋一渡。橋完。十九日。我兵渡江。哨獲一賊。供報楊酋大發藏金。人給二兩。使張佑何漢良謝朝俸石勝俸。統黑老虎軍萬餘。見劄七牌野緒山。伺官兵渡江。即來邀擊。時已酉刻。璘即整兵。連夜疾趨。二十日早行。至苦練坪。將近野緒。道狹且險。前鋒忽與賊遇。守備陳九經等。即與交鋒。後軍陳等冲前力戰。火器齊發。黑焰薰天。震聲如雷。賊勢大敗。斬俘二百餘人。

各賊逃入深菁。是日收回餘慶老營少休。二十一日。

督諸將合永順彭元錦兵。

此兵原屬平越哨

攻打苦菜關元。

錦先登身被四矢。各兵打開關殺賊二百餘級。時黔

兵烏江已失利。賊因倡言。楊應龍親統老虎軍十萬。

專力攻楚。一時將領疑懼。又糧運不繼。兵皆採蕨而

食。競以退兵為請。璘不得已。申請添兵。乞與李應祥

合哨。共掃七牌。軍門諭川省四路兵已逼海龍圍下。

立等黔楚環攻。何為悞聽虛聲。趙趙不進。切查關內

賊不滿五萬。又屢被官兵入關殺戮將盡。豈關外尚

有十萬之理。但諸國不下。有碍長驅。督催李帥。刻日渡江。與陳合營密謀攻克。三月廿六日。璘進營楠木橋。調龍泉為事官楊惟中協哨。使白元潔出覘賊。遇賊與戰。銳死穿紅賊二人。四月初八日。璘馳至湄潭。奉江巡撫憲牌。嚴督將領偵探賊情。相機進剿。時賊皆聚於青蛇長坎。瑪瑙保。子四圍合力拒我。四圍皆絕險。而青蛇尤甚。曾經六次征進。弗能克。且四圍左通三渡。右聯板角。相拒甚邇。若同日併攻。則兵少力分。若止攻一圍。則三圍相助。乃議先攻三圍。次及青

蛇。遂傳令陳良玳錢中選。引兵在荊條流河渡。取道至固。後路又令王一桂謹守板角關。以防賊逸。初十日。先遣楊惟中。白元縈。陳九經。率精兵以深夜竊至固。脚埋伏。十一日卯時。親督諸將。各統兵鼓譟而進。賊下迎。連戰數合。把總戴宗茂。朱萬乾。冲前各斬一賊。餘兵四面奮擊。斬四十餘級。賊奔據固。日暮。收兵一更時。復發白元縈。陳九經。仍去埋伏。又發兵堵截青蛇固口。十二日。躬復督兵進攻。各賊仍前拒險。水石如雨。廣兵把總吳應龍。拚命向前。被石壓死。官兵

奮勇火器亂發打死各賊遂連破三圍陣斬四日餘

級。此戰揚惟中在長坎圍下將降人一百五十三三國

既破青蛇孤懸但四面斗絕無路可上於是重購敢

死士於十三日初更從瑪瑙後山附葛攀崖竊至青

蛇山後兵分前左右四路圍割只等圍後一聲舉炮

奮起夾擊十四日午時後路兵到放銃吶喊前路左

右一齊炮銃火器直打入圍內茅屋盡燒賊遂倉皇

退入圍內申時兵臨圍下賊猶斬木擲石傷我官兵

陣亡把總胡世華哨官申應魁各兵奮前用挨牌竹

宣抵住。直薄圍上。排柵之下。斬去二層。會天暮。分兵
劄守。二更時。賊向後路冲出。欲遁。被我伏起。殺傷退
回。十五日。又自辰至午。連戰十陣。陳九經。白元。索李
守敬。遍身被賊矢。甲厚未傷。各兵奮前。湏臾。斬賊二
百二十餘級。各賊喪氣。猶固守。我兵後用百子發。煩
等器。攻破圍後。賊始大敗。陳策。江騰龍等。從前殺入。
兩下夾攻。當日斬一千五十九級。又挖斬八百一十
八級。內驍大賊首。尚守忠。張雲鏊。於是七牌盡掃。巢
壘已空。又得糧無數。可供軍二十日之食。

各路進兵
獨此四圍

平機錄

卷之五

用力頗難蓋因陳帥主殺不主撫而頭人妻子多在上故守獨堅戰獨難也

十六日收兵

整棚方進三渡關賊於大小三渡關皆結石為閘架木為樓樓下一門僅容旋馬兩山峭壁險阻難狀乃分兵進攻陳搃兵躬督白元縈陳九經等自中路陳策督兵由關左吳時喬督兵由關右其小三渡則江騰龍由中路李大諫由關左王之棟由關右分定信地重懸選鋒銀兩於二十三日夜半各銜枚前進次早各到關前舉炮吶喊當有大三渡一賊騎黑馬戴紅盔披銅甲統老虎軍突出迎戰我兵奮勇銃炮打

死數十。賊即退回。扼關。斬放石棚。兵不能進。賊集於
關左。覓一小徑。扳籐而上。各兵尾登。賊弩亂發。策身
被數矢。奮前斬賊。俄而楊惟中亦從後山。緣崖前進。
賊力遂分。中路兵擁進。賊三面受敵。我兵斬柵。賊遂
敗走。當即乘勝追至第三重關。賊退入第四關。我兵
連運殺至第五重關。賊始大敗。當陣斬四百四十五
級。三路兵方登高也。劄。而江騰龍報至。亦於是日攻
打小三渡。關口僅濶三尺。蒺藜比難進。隨取茅
草填墊。又令李大諫由左。王之棟由右。皆從小徑進。

平定縣志卷之五

三路併力攻擊賊應不暇打破閤門斬二百餘級其餘潛遁俱為永順保靖兵剿完又令土官楊鯨招下青蛇等四木村鐵線壩等苗四千餘名而各兵乘勝直向海龍矣大抵征播最苦運餉艱難而此路尤甚營中常患脫巾雙流知縣鄧弘烈山行七八日不騎馬至婺川親詣思南告饒見軍門差人而泣可見也自江巡撫抵任即為措處蓋楚餉自鎮遠起陸三指約四百里其運夫派於辰常靖荆長寶各府州共四萬人又加派衛永岳三府各一萬皆長運往來千餘

里。沿途屍橫血漂。酷暑霑蒸。疫氣交作。觸鼻飲泉不
死亦病。所以夫如就死。派者不來。來者必逃。甘心刑
責。督促不前。江公深知此弊。一面取良醫市藥。沿路
調治。仍將長運改為接運。查鎮遠偏橋紫鄉關白泥
龍溪岩門餘慶楠木橋湄潭三渡各三十里。車水至
清水橋二十里。清水至白田又三十里。分為十二站。
夫騾逐站交接。一倣塘馬傳報事規。人不告勞。糧不
愆期。於是運夫樂就。營糧盈積。士氣百倍矣。

摠評 璘以一旅之師。先掃四牌。開我進兵之路。用